

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ԼԱՅՆՈՐԵՆ ՏԱՐԱԾՎԱԾ ՈՒՏԵԼԻ ԲՈՒՅՍԵՐՆ ՈՒ ՄՆԿԵՐԸ

Ս.Գ. Նանագյուլյան, ԵրԴՀ կենսաբանության ֆակուլտետ, բուսաբանության ամբիոնի վարիչ, Կ.Գ.Գրիկտոբ

Զ.Գ. Ավագյան, ԵրԴՀ բուսաբանության ամբիոն, Կ.Գ.Բ.

Զ.Վ. Պետրոսյան, ԱրԴՀ կենսաբանության ամբիոն

Լեռնային Ղարաբաղի Հանրապետությունը կազմում է Հայկական բարձրավանդակի հյուսիս-արևելյան և Փոքր Հովկասի հարավ-արևելյան մասը: Տարածքի մակերևույթը տիպիկ լեռնային է, ընդգրկում է Սյունիքի կամ Ղարաբաղյան բարձրավանդակի արևելյան շարունակությունը հանդիսացող լեռնաշխարհը: Միջին բարձրությունը ծովի մակերևույթից կազմում է 1100 մ: Հարուստ ու բազմազան է Արցախի բուսական աշխարհը: Դա պայմանավորված է ռելիեֆի, հողային ծածկի և կլիմայական պայմանների բազմազանությամբ: Կարևոր դեր է խաղում նաև այն հանգամանքը, որ Արցախը գտնվում է տարբեր բուսական մարզերի սահմանագլխին: Արցախ-Ղարաբաղի լեռներն անտառածածկ են, որտեղ գերակշռում են հաճարենին, կաղնին, բոխին: Անտառներում տարածված են նաև լորենին, հազենին, թեփն, թխենին, կենին, վալրի տանձենին, խնձորենին, ընկուզենին և այլ ծառանման տեսակներ: Անտառները և թփուտները գրավում են ընդհանուր տարածքի ավելի քան 30%-ը: Լեռնագագաթները հիմնականում ծածկված են ալպիական գորգերով: ԼՂՀ տարածքում հանդիպում են մոտ 2000 տեսակի բարձրակարգ բույսեր, որը կազմում է Կովկասում աճող բուսատեսակների 30.7 % (Ամիրջանյան, Արզումանյան, 1994; Մեքումյան, 1994):

Բուսական ծագում ունեցող սննդի լայնորեն օգտագործումը ԼՂՀ բնակչության կողմից ունի կին պատմություն: Մեր կողմից կատարված վերջին տարիների ուսումնասիրությունները բույս տվեցին բացահայտել ԼՂՀ տարածքում ուտելի մոտ 100 տեսակի բարձրակարգ բույսեր և 50 տեսակի սնկեր: Ուտելի բույսերը հիմնականում պատկանում են *Rosaceae* – վարդազգիների (մոշ, մատուր, խնձոր, զկեռ, տանձ, սալոր, ալոն, սերկևիլ, մորի, ազնվամորի, արոս և այլն), *Liliaceae* – շուշանազգիների (տխ, սխտոր, խազեղ, դանձիկ, աստղաշուշան, ծնեթեկ, սնդյուռ, լիւր և այլն), *Apiaceae* – նեխուրազգիների (սամիթ, գինձ, գազար, կեթեթուկ, շուշանբանջար, բոխի, իծկոն և այլն), *Brassicaceae* – կաղամբազգիների (կոտեմ, բողկ, ամսական բողկ, ջրկոտեմ, հովվամախաղ և այլն), *Chenopodiaceae* – թելուկազգիների (սպանախ) ընտանիքներին (այլուսակ 1) [Փլորա Արմենի, 1954-2001]:

Վալրի աճող ուտելի բույսերի մեծ մասը վաղ զարնանային տեսակներ են, որոնք կլիմայական ու օդադրամիտ են առանց ջրմային մշակման, թարմ վիճակում, ինչպես օրինակ կնձմնձուկ-կեկեթուկ մոմայինը (*Anthriscus cerefolium*), եղինջը (*Urtica dioica*), խազեղ (*Allium paradoxum*), սկնձր (*Tragopogon reticulatus*), ջրկոտեմ (*Nasturtium officinale*), քրքնջուկ (*Rumex acetosellodes*), հովվամախաղ (*Capsella bursa-pastoris*), կակաչ (*Papaver somniferum*), ղանձիլ (*Allium victorialis*) և այլն: Եղինջը, հովվամախաղը, սիթեխը (*Falcaria vulgaris*), սպանախ (*Spinacia tetrandra*), հավակատարը (*Amaranthus retroflexus*), թելուկ (*Chenopodium album*), ավկուռ (*Rumex pulcher*), կակաչը, շուշանբանջարը (*Chacrophyllum bulbosum*), ղանձուր (*Portulaca oleraceae*) օգտագործում են ինչպես թարմ, այնպես էլ տապակած վիճակում:

Վաղ զարնանի հաճախ ուտում են խաղողի (*Vitis vinifera*), մոշի (*Rubus caesius*) մատղաշ, կոսալի, քրքնախմ ընձույտները՝ այսպես կոչված «նարաքք»: Ուտում են նաև կռատուկ (*Arctium tomentosum*), մարլու կաթնափշի (*Silibium marianum*), վալրի շաղգամախաղ (*Rapistrum*) մատղաշ ընձույտները:

Վաղ զարնանային բույս է աստղաշուշանը (*Ornithogalum platyphyllum*), որն օգտագործում են ինչպես խազած, այնպես էլ թթու դրած: Ապրիլ-մայիս ամիսներին զարգանում են ծնեթեկը (*Asparagus verticillatus*), սնդյուռը (*Polygonaum polyanthemum*), գայլուկ (*Humulus lupulus*), որոնք ուտում են եփած, տապակած վիճակում: Փիփերթը (*Malva neglecta*) օգտագործում են ամբողջ տարվա ընթացքում:

Որպես թրու համեմունք հաճախ օգտագործվում է քրքնջուկը, իսկ «ախտան» (շուրացած կորիզահամ հուն (*Cornus mas*), սարյի (*Prunus divaricata*) պատուրը, աղացած, կարմիր, դեռ չհատնացած մոշը, ալուրը (*Rhus coriaria*), ծորենու պտուղները (*Berberis*) և այլն: Մեծ քանակով, որպես թրու համեմունք, օգտագործվում է նաև (*Punica granatum*) կոլոր:

Օգտագործում են նաև մշակովի բանջարանոցային խոտաբույսեր՝ սամիթ (*Anethum graveolens*), համեն (*Coriandrum sativum*), կոտեն (*Lepidium sativum*), մաղաղանոս (*Petroselinum crispum*), սոխ (*Allium cepa*), սիտոր (*Allium sativum*), բող (*Raphanus*), ամսական բող (*Raphanus sativus*), զազար (*Daucus carota*), ամանուխ (*Mentha longifolia*) և այլն: Բանջարանոցային համեմունքային բույսերի՝ սամիթի, համենի, նանայի, մաղաղանոսի, ռեհանի (*Ocimum basilicum*) հետ միաժամանակ հավաքում և չորացնում են վայրի ածող համեմունքային խոտաբույսեր՝ ուղիի տարբեր տեսակներ «խոռնը» հավաքական անվանմամբ (հիմնականում *Thymus transcaucasicus*, *Thymus kotschyanus*), կորթի (*Saturea hortensis*), ամանուխ (*Mentha*) և այլն: Միաժամանակ հավաքում են նաև կաթնափուռի հասունացած սերմեր՝ «չաբան», որն օգտագործում են ձմռանը «աղանձ» պատրաստելիս:

Ղարաբաղցիներին խոհանոցում առանձնահատուկ տեղ է զբաղում տարբեր խոտաբույսերի խառնուրդով կազմված «Ժենգյալավ» հացը, որի պատրաստման համար ընդհանուր առմամբ օգտագործվում է 25 և ավելի տեսակների խոտաբույսեր: Հիմնականում դրանք կացարաններին, բնակավայրերին մոտ աճող խոտաբույսեր են: Ընդ որում, խոտաբույսերի համակցությունը խիստ տարբեր է և կախված է բնակավայրի գտնվելու վայրից ու տարվա եղանակից: «Ժենգյալավ» հացի պարտադիր բաղադրամաս են կազմում աստղիկը (*Stellaria media*), կնձմնձուկը, համենը, սոխը, եղինջը, բրբնջուկը, ավելուկը, հովվամախաղը, պոլավորտը, սիմսիժուկը, նանան, կակաչը, խազեզը, մանուշակը (*Viola odorata*) և այլն: Գարնան սկզբին շատ է օգտագործվում շրեշի (*Eremurus spectabilis*) նորածիլ ցողունը: Գարնան վերջին, երբ բանջարանոցներում արդեն կանաչում են մշակովի բույսերը, դարաբաղցիները «Ժենգյալավ» հացին ավելացնում են նաև սամիթ, ճակնդեղի տերևներ, սպանախ, երբեմն նաև կարտոֆիլի տերևներ: «Ժենգյալավ» հացի պատրաստման յուրահատուկ ձևը նպաստում է կանաչեղենի մեջ պարունակվող վիտամինների և ալի բաղադրամասերի պահպանմանը, իսկ կծու և բթու համերը մեծացնում են նրա ախորժաբերությունը և մարսելիությունը:

Սի շալք խոտաբույսեր Ղարաբաղում օգտագործվում են որպես թեյ: Դրա համար նախընտրում են բուրավետ, լավ ներկող, օրգանիզմի տոնուսը բարձրացնող, ինչպես նաև բուժիչ հատկություններով օժտված բույսեր՝ ուլգ, սրտիկ (*Hypericum*), խնկամաղիկ (*Origanum vulgare*), դանթավար (*Cephalaria gigantea*), նանա, ալոճենու (*Crataegus orientalis*) ծաղիկներ, պտուղներ, ինչպես նաև ճյուղեր, սերկևիկի (*Cydonia oblonga*) ճյուղեր, մաստրի պտուղներ և այլն:

Ամռանը մեծ քանակությամբ օգտագործում են մորու տարբեր տեսակներ (*Fragaria vesca*), մոշ, ազնվամորի (*Rubus idaeus*): Ղարաբաղում լայնորեն տարածված են թթենիները (*Morus alba*):

Աշնանը վայրի աճող բույսերը նույնպես մեծ դեր են խաղում դարաբաղցու սննդակարգում: Աշնանային պաշարավորումը սկսվում է հոնի և չորի պատեղենների (լաճաշ) պատրաստմամբ: Հոնից պատրաստում են նաև ախտա և չիր: Աղտորի, ծորենու պտուղները հավաքելուց, չորացնելուց, աղալուց և մանրացնելուց հետո օգտագործում են որպես համեմունք: Ի դեպ, օգտագործվում են նաև ծորենու մատղաշ տերևները ևս:

Մեծ քանակությամբ ուտելի բույսեր ենթարկում են որոշակի մշակման և պահում ձմռան համար: Թթուներ պատրաստելու համար բնակչությունը լայնորեն օգտագործում է սնդրուկը, աստղաշուշանը, դանդուռը, շուշանբանջարը, բոխին (*Hippomarathrum microcarpum*), կերկևիկը (*Anthriscus nemorosa*), լիճկորը (*Chacrophyllum macrospermum*), կապար (*Capparis spinosa*), ինչպես նաև սիտորը: Չորացնում են ավելուկ, կաճապ-մկիկ (*Arum maculatum*), լորի (*Phascolis vulgaris*):

Բացի խոտաբույսերից մեծ քանակությամբ օգտագործում են նաև ծառաբույսերի պտուղներ:

Ոչ մեծ քանակությամբ, առանց որևէ մշակման, հավաքում և օգտագործում են նաև արոսենու (*Sorbus torminalis*), ալոճենու (*Crataegus orientalis*), փշյուն (*Celtis caucasica*), բլրենու (*Tilia caucasica*), ունաթի (*Ziziphus vulgaris*), վայրի խաղողի (*Vitis silvestris*), վայրի խնձորի (*Malus orientalis*), վայրի տանձի (*Pyrus sp.*), մուխրուսանձի (*Pyrus salicifolia*), գլեխի (*Mespilus germanica*), չիլխանի (*Hippophae rhamnoides*) պտուղներ:

Լեռնային Ղարաբաղում լայն տարածված է մամխին (*Prunus spinosa*), բզենին (*Ficus carica*), սերկևիլենին, նոնենին, փշատենին (*Elcagnus angustifolia*), ընկուզենին (*Juglans regia*), տխիլը (*Corylus avellana*): Ամրոց տարվա ընթացքում տեղացիները, որպես սննդաբույս ուտելիք, օգտագործում են ընկույզը: Հանրապետության հարավային գոտում վոքը քանակությամբ

հանդիպում են շագանակի (*Castanea sativa*) ծառեր: ԼՂՀ տարածքում աճող բույսերից մեծ թիվ են կազմում դեղաբույսերը: Ծառանման տեսակների պտուղներից տեղացիները օգտագործում են *Crataegus* (սզնի), *Prunus spinosa*, *Juglans regia*, *Coryllus avellana* և այլն:

Ինչ վերաբերվում է ուտելի սնկերին, հարկ ենք համարում նշել, որ նրանք լինելով տարբեր կենսասցենոզների կարևորագույն բաղադրամաս, յուրահատուկ տեղ են զբաղեցնում բնության բարիքների շարքում:

Սնկերը մեծ դեր են կատարում մաս որպես սննդային և լրացուցիչ կերային սպիտակուցների, տարբեր կենսաբանորեն ակտիվ նյութերի աղբյուր ու լայն կիրառություն գտնում տնտեսության բազմաթիվ բնագավառներում՝ այդ թվում բժշկության և դեղագործության մեջ: Օժտված լինելով գերազանց համային հատկություններով և հարուստ՝ սպիտակուցների պարունակությամբ, գլխարկավոր սնկերի շատ տեսակներ օգտագործվում են սննդի մեջ: Տարբեր երկրներում սննդի մեջ օգտագործվող վայրի աճող սնկերի տեսակային կազմը տարբեր է, կախված տվյալ վայրի բնակչության՝ սնկերի մասին ավանդական գիտելիքներից, էկոլոգիական պայմաններից, կայուն բերքատվությունից, մակրոմիցետների պտղամարմինների չափերից և առատությունից (Нанаголян, 1997):

ԼՂՀ-ի յուրօրինակ բնակլիմայական պայմանները՝ լեռնային ռելիեֆը, բուսականության բազմազանությունը, զգալիորեն ազդել են գլխարկավոր սնկերի բիոտայի տեսակային կազմի վրա: Հանրապետության տարածքը հարուստ է անտառներով, որտեղ տարվա համալրյա բոլոր ամիսներին կարելի է հանդիպել մեծ քանակությամբ գլխարկավոր սնկերի, որոնց մեջ որոշակի տեղ են զբաղեցնում ուտելի տեսակները: Դժբախտաբար, բնակչությունը լավ չի ճանաչում այդ սնկերը: Բ.Ֆ.Հուսեյնովայի (Гусейнова, 1967) աշխատանքում բերվում են տեղեկություններ մի քանի տեսակի ուտելի սնկերի տարածվածության մասին: Դեռ 1940թ. Վ. Ա. Պետրովը (Петров, 1940) նշում էր, որ Լեռնային Ղարաբաղում սնկերը որպես սննդամթերք համարյա չեն օգտագործվում, բացառությամբ *Sparassis ramosus* - ծմկբալիան և (*Psalliota*) *Agaricus campestris* - սոյն տեսակներին: Դա կապված է տվյալ տարածքի սնկերի անբավարար ուսումնասիրությամբ, ինչպես մաս նրանով, որ բնակչությունը չի կարողանում տարբերել ուտելի տեսակները բոնավորներից:

Վերջին տարիներին, այդ բացը լրացնելու նպատակով, մեր կողմից կատարվում են ԼՂՀ տարածքի մակրոսկոպիկ սնկերի հատուկ հետազոտություններ: Հայտնաբերվել են մոտ 50 տեսակի ուտելի սնկեր, որոնցից տեղացի բնակչությունը առավելապես օգտագործում է *Agaricus arvensis* (Շամպինյոն դաշտային), *Boletus edulis* (Սպիտակ սունկ), *Lepista nuda* (Շաքրասունկ մանուշակագույն), *L. personata* (Շաքրասունկ մանուշակագույն ոտիկով), *Calocybe gambosa* (Մայիսյան սունկ), *Lactarius deliciosus* (Շեկիկ), *Morchella esculenta* (Մորիկեղ), *Pleurotus ostreatus* (Ավանջասունկ սովորական), *Suillus granulatus* (Յուղասունկ հատիկավոր) տեսակները: Նշված տեսակները օգտագործվում են թարմ, թթու և կիսաթթու (մարինադ) վիճակում:

Անկասկած, հետագա հետազոտությունները կընդլայնեն այս ցուցակը և բնակչությունը կկարողանա լայնորեն օգտագործել այդ արժեքավոր սննդամթերքը: Հետազոտված տարածքները աչքի են ընկնում ուտելի բույսերի և սնկերի մեծ բազմազանությամբ, սակայն այդ արժեքավոր ռեսուրսները օգտագործվում են առանց պատշաճ հսկողության:

Տեսչի առնելով, որ հանրապետությունը հարուստ է ընդարձակ բուսական և սնկային ռեսուրսներով և ի նկատի ունենալով դրանց հսկայական արժեքը, անհրաժեշտ է իրականացնել այդ տարածաշրջանի մանրակրկիտ գույքագրում:

Աղյուսակ 1.
Ղարաբաղում տարածված ուտելի բույսերը և սնկերը

Բույսեր			
Լատիներեն	Հայերեն	Տեղական	Ռուսերեն
Ընտանիք՝Apiaceae			
Anethum graveolens	Սամիք	Սամեք	Укроп
Anthriscus cerefolium	Կերբելուկ մոմատերև	Կնձմճուկ	Купырь восколистный
Anthriscus nemorosa	Կերբելուկ կաղնուտային	Կինագոխ	Купырь дубравный
Chaerophyllum bulbosum	Շուշան-բանջար ախլակավոր	Շոշան	Бутень луковичный

Ch. macrospermum	Իծկոտ, Շուշան-բանջար խոշորապտուղ	Իծկոտ	Бутень крупноплодный
Coriandrum sativum	Գինձ, Համեն ցանովի	Կինձ	Кишнец, Кориандр посевной
Daucus carota	Գագար վայրի	Կլեգար	Морковь дикая
Fasclaria vulgaris	Սիրեխ սովորական	Սիրեղ	Резак обыкновенный
Hippomarathrum microcarpum	Բոխի մանրապտուղ	Պերի	Конский фенхель мелкоплодный
Petroselinum crispum	Մաղադանոս ցանգուր	Պետրուշկա	Петрушка курчавая

Ընտանիք՝ Brassicaceae

Capsella bursa-pastoris	Ծտապաշար Հովվամաղ	Տոպաշար	Пастушья сумка обыкновенная
Lepidium sativum	Կոտեն	Կիսեն	Клоповник посевной, кресс-салат
Nasturtium officinale	Ջրկոտեն դեղատու	Ծիրիկոտեն	Жеруха лекарственная
Raphanus	Բողկ	Պեխկ	Редька
R. sativus	Բողկ ամսական	Ռեդխկա	Редька посевная
Rapistrum	Վայրի շաղգամ	Շախկամ	Репник

Ընտանիք՝ Liliaceae

Allium cepa	Սոխ սովորական	Սոլան	Лук репчатый
A. sativum	Սխտոր	Սխտոր	Чеснок культурный вид
A. paradoxum	Խազեզ, սոխ տարօրինակ	Խազազ	Лук странный
A. victorialis	Վամձիլ, սոխ իտալորթյան	Խնձաղա	Лук победный, черемша
Eremurus spectabilis	Շրեշ	Շիրիշ	Эремурус представительный
Ornithogalum tempskyanum	Աստղաշուշան Տեմպսկու	Խնջրոզ	Пшшемачник Темского
Polygonatum orientale	Սնդրուկ արևելյան	Կոմզուկ	Купена восточная, Соломонова печать

Ընտանիք՝ Lamiaceae

Mentha sp.	Անանուխ, դաղձ	Նանա	Мята
Ocimum basilicum	Ռեհան մշակովի	Ռեհան	Базилек камфарный
Origanum vulgare	Խնկածաղիկ սովորական	Սվախոտ	Душица обыкновенная
Saturea hortensis	Կորթին պարտեզային, ձիթբլուս	Ծիրբարան	Чабер садовый, Сатурея

Thymus trancaucasicus	Ուրց անդրկովկասյան	Խոռն	Тимьян закавказский
Th. kotschyanus	Ուրց Կոչիի	Խոռն	Тимьян Кочи

Ընտանիք՝ Urticaceae

Urtica dioica	Եղինջ երկտուն	Պենջար	Крапива двудомная
Urtica urens	Եղինջ այրող	Պենջար	Крапива жгучая

Ընտանիք՝ Asteraceae

Aretium tomentosum	Կոատուկ, կոժոժ քաղիքավոր	Կուրն	Лопух войлочный
Cousinia macrocephala	Խոզանավուշ խոշորագլուխ	Վրսն	Кузиния крупноголовчатая
Silybum marianum	Կաթնավուշ	Մարյու դրանի	Расторопша пятнистая

	բծավոր		
Tragopogon reticulatus	Սինձ ցանցավոր, ալձենորոք	Սինձ, շաքար	Козлобородник сетчатый
Ընտանիք՝ Violaceae			
Viola odorata	Մանուշակ բուրավետ	Մենչակ	Фиалка душистая
Ընտանիք՝ Polygonaceae			
Rumex acetoselloides	Ավելուկ ավելուկանման, թրքնջուկ	Թարթանջուկ	Щавель щавельковидный
Rumex pulcher	Ավելուկ գեղեցիկ	Իվելուկ	Щавель красивый
Rumex crispus	Ավելուկ զանգուր	Շեպ	Щавель курчавый
Ընտանիք՝ Caryophyllaceae			
Stellaria media	Աստղիկ սովորական	Ճոճոռուկ	Звездчатка
Ընտանիք՝ Papaveraceae			
Papaver somniferum	Կակալ ընաբեր	Պոստուտկուն	Мак снотворный
Ընտանիք՝ Chenopodiaceae			
Spinacia tetrandra	Սպանախ	Սպանաղ	Шпинат
Chenopodium album	Թելուկ սպիտակ	Թալ, մոխրաթալ	Марь белая
Ընտանիք՝ Vitaceae			
Vitis silvestris	Խաղող անտառային	Վորա	Виноград лесной
Vitis vinifera	Խաղող մշակովի	Խաղող	Виноград культурный
Ընտանիք՝ Elaeagnaceae			
Elaeagnus angustifolia	Փշատենի նեղատերև	Փշալե	Лох. Шипат узколистый
Hippophae rhamnoides	Չիչխան դժնիկանման	Լավրե	Облепиха крушиновая
Ընտանիք՝ Rosaceae			
Crataegus orientalis	Արճենի, սգնի արևելյան	Սեզն	Боярышник восточный
Cydonia oblonga	Սերկևիկ սովորական	Սրկեմուլ	Айва обыкновенная
Fragaria vesca	Երակ անտառային	Մորե	Земляника лесная
Malus orientalis	Խնձորենի արևելյան	Քուրուխնձոր, տզանի	Яблоня восточная
Mespilus germanica	Զկեռ սովորական	Զկեռ	Мумиула обыкновенная
Pyrus sp.	Վայրի տանձ	Քուրուտանձ	Груша лесная
Pyrus salicifolia	Տանձ առատերև	Մոխրուտանձ	
Prunus divaricata	Շորր, սալոր	Շկլոր	Алыча, Слива растопырчатая
Prunus spinosa	Մամխի, սալոր փշավոր	Մամուխ, լկոթնե	Терн. Слива колючая
Rosa sp.	Մասուր	Միասուր	Роза, шиповник
Rubus caesius	Մոշենի	Մոշ	Ежевика, ожина
Rubus idaeus	Ազնվամորի	Մոռ	Малина обыкновенная
Sorbus torminalis	Արսենի, ծախտանձ	Ծոտանձ	Рябина, Глоговина
Ընտանիք՝ Malvaceae			
Malva neglecta	Փիփեթթ արևմտարված	Փարվուտ, փիփեսու	Просвирняк пренебреженный
Ընտանիք՝ Asparagaceae			
Asparagus verticillatus	Ծնեբեկ օղակավոր, ծնեփակ	Ծնեփակ	Спаржа мутовчатая

Ընտանիք՝ Cannabaceae			
Humulus lupulus	Գալլուկ սովորական	Շրմշուղ	Хмель обыкновенный
Ընտանիք՝ Amaranthaceae			
Amaranthus	Հավակատար	Թելուկ, քալ	Щирица
Ընտանիք՝ Moraceae			
Ficus carica	Թզենի սովորական	Թուզեն	Инжир. Винная ягода
Morus alba	Թթենի սպիտակ	Թութեն	Шелковица белая
Ընտանիք՝ Juglandaceae			
Juglans regia	Ընկուզենի սովորական	Ճուղպուրեն	Орех грецкий
Ընտանիք՝ Corylaceae			
Corylus avellana	Տյալենի սովորական	Տյողեն, կտողեն	Лещина обыкновенная
Ընտանիք՝ Fagaceae			
Castanea sativa	Շագանակ սովորական	Շմբալորի	Каштан обыкновенный
Ընտանիք՝ Portulacaceae			
Portulaca oleraceae	Դամդուռ սովորական	Տանդուռ	Портулак огородный
Ընտանիք՝ Cornaceae			
Cornus mas	Հոն սովորական	Հյուն	Кизил обыкновенный
Ընտանիք՝ Anacardiaceae			
Rhus coriaria	Ալտուր դաբաղալին	Սմալ	Сумах дубильный
Ընտանիք՝ Berberiaceae			
Berberis sp.	Ծորենի, կծոխուր	Կծոխուրեն	Барбарис
Ընտանիք՝ Punicaceae			
Punica granatum	Նռենի սովորական	Նռոռեն	Гранатник
Ընտանիք՝ Capparaceae			
Capparis spinosa	Կապար	Կապար	Каперсы
Ընտանիք՝ Araceae			
Arum maculatum	Նվիկ բծավոր	Կաճապ	Аронник пятнистый
Ընտանիք՝ Fabaceae			
Phaseolus vulgaris	Լոբի սովորական	Լոբի	Фасоль обыкновенная
Ընտանիք՝ Rhamnaceae			
Zizyphus vulgaris	Ռոնաբ սովորական	Ռինաբի	Ююба
Ընտանիք՝ Hypericaceae			
Hypericum sp.	Սյուխունդ	Ջվերաբույ	Зверобой
Ընտանիք՝ Dipsacaceae			
Cephalaria gigantea	Դանթավար	Դանթափա	Головчатка гигантская
Ընտանիք՝ Ulmaceae			
Celtis caucasica	Փոշնի	Փոշեն	Каркас
Ընտանիք՝ Tiliaceae			
Tilia caucasica	Լորենի կովկասյան	Հուրոռեն	Липа кавказская
Սնկեր			
Ընտանիք՝ Agaricaceae			
Agaricus arvensis	Շամպինյոն դաշտային	Շամպինյոն, սոյն, սոնգն	Шампиньон полевой
Ընտանիք՝ Boletaceae			
Boletus edulis	Սալիտակ սոնկ	Սոյն, սոնգն	Белый гриб
Ընտանիք՝ Tricholomataceae			

Calocybe gambosa	Մայիսյան սունկ	Վեշխարի սմակ, սոյն, սոնգն	Майский гриб
Ընտանիք՝ Russulaceae			
Lactarius deliciosus	Շեկիկ	Սոյն, սոնգն	Рыжик
Ընտանիք՝ Tricholomataceae			
Lepista nuda	Շարքասունկ մանուշակա գույն	Սոյն, սոնգն	Рядовка фиолетовая
L. personata	Շարքասունկ մանուշակա գույն ստիկով	Սոյն, սոնգն	Рядовка фиолетовоногая
Ընտանիք՝ Morchellaceae			
Morchella esculenta	Մորկեղ	Ծնկթափան,սոյն, սոնգն	Сморчок
Ընտանիք՝ Pleurotaceae			
Pleurotus ostreatus	Ականջասունկ սովորական	Սոյն, սոնգն	Вешенка обыкновенная
Ընտանիք՝ Boletaceae			
Suillus granulatus	Յուղասունկ հատիկավոր	Մաւշեմուկ, սոյն, սոնգն	Масленок зернистый

Ամփոփում

ԼՂՀ աշխարհագրական դիրքը, ռելիեֆը, կլիման նպաստել են նրա տարածքում կենսաբանական բազմազանության ձևավորմանը: Այստեղ հանդիպում են մոտ 2000 տեսակի բարձրակարգ բույսեր և 100-ից ավելի մակրոսկոպիկ սնկեր, որոնցից հոլովածում նշվում է բնակչության կողմից օգտագործվող մոտ 100 տեսակի բարձրակարգ բույսերի և 9 տեսակի սնկերի մասին: Տրված է նրանց կարգաբանությունը՝ ըստ ընտանիքների, օգտագործումը, լատիներեն, հայերեն (գիտական և բարբառային) և ռուսերեն անվանումները, նշվում նրանց գույքագրման ու պահպանության անհրաժեշտությունը:

Резюме

Географическое месторасположение, рельеф, климат НКР содействовали созданию биологического разнообразия на ее территории. Здесь встречаются около 2000 видов высших растений и более 100 видов макроскопических грибов, из которых в статье отмечается об употребляемых населением около 100 видов высших растений и 9 видов грибов; их систематика по семействам; использование; названия на латинском, русском и армянском языках (научные и разговорные); также о необходимости инвентаризации и охраны биоты НКР.

Գրականություն

- 1.Ամիրջանյան Թ.Ի., Արզումանյան Վ.Ա., Լեոնային Ղարաբաղի աշխարհագրություն, «Մաշտոց», Ստեփանակերտ, 1994, էջ 32-43:
- 2.Ավագյան Զ.Գ., Ծածկասերմ բույսերի կարևորագույն ընտանիքները, ԵՊՀ, 1989:
- 3.Կարապետյան Ռ.Ս., Հայաստանում տարածված մոլախոտերի ատլաս, Մրևան, 1980: Մեյրումյան Ս.Ա. Լեոնային Ղարաբաղի Հանրապետության աշխարհագրություն, «Լույս» պետ.հրատարակչություն, Մրևան, 1994, էջ 26-37:
- 4.Гусейнова Б.Ф., Макромицеты Нагорного Карабаха, Изд., АН Аз.ССР, Баку. 1967. С 11-119.
- 5.Нанабян С.Г., Макромицеты республики Армения (видовая, пространственная и функциональная структура), Дисс. докт. биол. наук, Ереван, 1997. - 412 с.
- 6.Петров В.А. Этноботаника Нагорного Карабаха. Баку, 1940. — С. 20-21.
- 7.Флора Армении под редакцией Тахтаджян, -ТТ. 1-10 , 1954-2001.